

Takurda-o Burus ayoore-o o wu gene yan-dor Yeso n-me un bo-o o-Tasaronika

Rem-se ro n-me à:

M-zante 1:1-2

Ur-bongon us-tor ne 1:3-12

Ur-kewes un ma-to un haan-m Kiristi 2:1-17

Do ye un jaab-o ur-hur un she'et-de un yan-dor
3:1-15

Ur-kom 3:16-18

Ur-gas

¹ Be un de Burus, mosse un Siras ne,* un **Timoti** ne, genbe ka takurda-o, ha-mo un be-de un hun-ne yan-dor un bo-o o-Tasaronika ye ro hun-ne ye Shir à Tato na un Wan-Koyan ne Yeso **Kiristi**.†‡

² Um konog Shir o-Tato un Wan-Koyan ne Yeso **Kiristi** remen ye ye'et no m-yar un gwugwu-mo ur-hur ne.

Ur-bongon ur-gas ne

³ Or te ne, depete te bum Shir ko de ke ho-de rem no, komo kaane ro ur-bon ne, remen sher-m no ro m-bo'ose, komo was-mo no wasse or no ne à mo ro m-do. ⁴ Remen kaane, kap un n-me un hun-ne yan-dor-ye Shir, no ye tette un uk o-cin remen gaag un men-ut no un sher-m no ne un

* **Bor-o gaan:1** 1:1 ut-Girik: Sirabanus. † **Bor-o gaan:1** 1:1 Wu Shir daagne à. ‡ **Bor-o gaan:1** 1:1 Hyen komo: Seng 17:1.

ka range-o kumu nō ut-meger ne amba nō 'mo ur-hur à.

⁵ Kap yo ka kutute unze Shir rō un piish ut-ma ur-bon ne, yo ka komo rwuntute cas unze nō bō'oste m-she'et un gwomo-to Shir remen ka gwomo-to, o notte un swō ur-koob. ⁶ Shir rō un men-ut pus-to ne, remen kaane, ka ye rō nō m-ya ur-koob à wua tope ye un reesu un ye ur-koob ebe un ye. ⁷ Amba nō ye rō un swō ur-koob à wua wuwussu nō, har ma un te ne. Yo ka a kor un hō-de Wan-Koyan Yeso he m-rwun n-Ton shir un rem-de o-ra à, mosse un **yan-tom-ye Shir** ye un wu ne ye ur-beeb. ⁸ Wua rangse ka ye nape Shir á un ka ye yage nome un **Ma-to m-Rerem** o-dorotte à to ma Wan-Koyan na Yeso. ⁹ A 'ye ye koob-de ba m-ta, a dos ye un co-o Wan-Koyan un seps-mō un beeb-de un wu ne. § ¹⁰ Un ka da-o, wu he m-muun a ye'et wu m-sek à, yan-ba-**ur-ba'as** yea seps wu. Kap yan-dor komo yea hyen made-o un wu un ka hō-de mosse un nō ne, remen nō shereg un ka ma-to te ruru nō à.

¹¹ Un yo ka ne ur-hur, o rwo'e tette us-kon rem nō koyanda, remen nō ya'asté Shir ur-bongon. Te us-kon nōa she'et un ka cōw-yo Shir cone à. Nom nō kaane remen nō waragte rii-yo Shir dektu nō à. Komo te us-kon Shir a ya'as nō beeb-de m-shoos un kō yo ke rii-yo ur-bon yo remen nō m-sheer be-ur Yeso **Kiristi**. ¹² Te us-kon un bō a he seps un jin-ur Wan-Koyan na Yeso n-me un nō à, nō komo n-me un wu, hond hond un yar-mō Shir na, un Wan-Koyan ne Yeso **Kiristi**.

§ **Bqr-o gaan:9** 1:9 Hyen komo: Isha 2:10.

Bqr-qs yoor

Ko-Gwomo-wu o-zang

¹ M-moka, or re ne, um conog um ruru no se ken rem-se mosse un muun-m Wan-Koyan na Yeso **Kiristi** un komo bo a he na m-morogse ne be-de un wu à, te no us-kon.* ² Taase hur-ur no nukte hor-m-hor, ko komo can-yo un wur-o no ine unze ho-de un Wan-Koyan rege de woosunte á. A nom wu ken wu a hoks m-rwor n-me un mato o-Kukt, ko be-de un rwor ut-ma, ko gengen sa o zee be un te to rwuune. ³ No jar o-jar no yage wu ken wu raks no un yo ken cow-yo á. Me un zee kaane remen ka ho-de a woon á se a inite zang komo ka ko-gwomo-wu o-zang wu rusune cas, wata ka wu a nome den-o o-ra à. ⁴ Wu ro ka wa-ut-yage-wu. Wu ro un seps un hi un de un wu un yage-to un kap rii-yo piye jin-de Shir à, ko komo wu a m-kwukte à. Har ma wu ro m-she'et un kwuur-o Shir un **Pyo-o Shir** wu ro m-zee unze wu ro Shir.†

⁵ ¿No baks, da-o um ro un no ne à, um rurutu no to ka kap á? ⁶ M-moka no nepse rii-yo wene to m-kor à, taase yo kor cin ba da-o wo un woon. ⁷ Remen ka ko-Gwomo-wu o-zang wu teksunte m-senge wukusse. Amba ka wu ro m-wen à wua re co m-wen har da-o Shir he wu m-doss o-cow à. ⁸ Un ka da-o a he ka ko-Gwomo-wu o-zang wu m-rwunte cas, amba un muun-m Wan-Koyan Yeso, Yeso a ho wu un shik-mo un nu-o un wu, wu sabre wu un seps-mo un wu ne.‡ ⁹ A

* **Bqr-qs yoor:1** 2:1 Hyen komo: 1Tas 4:15-17. † **Bqr-qs yoor:4** 2:4 Hyen komo: Dane 11:36; Izik 28:2. ‡ **Bqr-qs yoor:8** 2:8 Hyen komo: Isha 11:4.

nep haan-mo un ko-Gwomo-wu o-zang be-de un senge-mo un **ko-Gwomo-wu un ya-ut-kot**. Wu nom rem-se o-made, ut-napa ne, ut-hyat ne to ut-bo go-us-go. § 10 Wu ro m-raks un ye ro un bu-yo un den-o o-ra à remen ye ginimte m-was un yo ro o-nip à, komo remen kaane ye a kum gwu á. 11 Remen kaane Shir a tomnuntu ye caari-to ut-raks remen ye sheret be-de ut-bo. 12 Wu un nom kaane remen a kupsute kap ye yage m-she be-de o-nip à ut-ma, ye ro komo m-hoge un zak-o m-nom un men-ut jaas-to à.

Es no m-'wons ne

13 Depete te bum Shir rem no, or re ne no ye Wan-Koyan wasse un no ne à, remen cin ur-takan Shir daagu no, no kumut gwu un bu-yo un **Kukt-o Shir** muutu no ba m-kukop un komo bu-yo un sher o-nip ne à. 14 Wu un agan no un bu-yo un ka **Ma-to m-Rerem** to, to te ya'u no à, remen no kumut seps-m Wan-Koyan na Yeso **Kiristi**. 15 Remen kaane, or re ne, es no ur-beeb ne, komo no bup ka nip-o te yoosu no à, ko un ma-to nu, ko komo gengen.

16 Te us-kon be-ur Wan-Koyan na Yeso **Kiristi** un hi un de un wu, un Shir ne Tato na rem no. Wu wasu na à, un yar-mo un wu, wu 'ye na jaab-o ut-men o un ba m-ta, o-sakto ne o ur-bon un bu-yo yar-mo un wu. 17 Komo te un kon-se Shir unze wu 'ye no jaab komo wu dowe rwun-us no m-'wons, n-me un ko mo ke senge-mo, mo m-nom m-cep ne à.

§ **Bor-us yoor:9** 2:9 Hyen komo: Mati 24:24.

Bɔr-ɔs tet

Kɔn nɔ Shir rem tɛ

¹ Ur-kom ɔr re ne, kɔn nɔ rem tɛ remen ma-ɔt Wan-Koyan nomot hɔr-mɔ m-wɔ kɔ kenɛ, komo tɔ kum m-seps bɔ tɔ kumɛ be-ɔr nɔ à. ² Komo nɔ kɔn bɔ a he na m-gu ɔn kom-tɔ ɔn hun-ne yan-men-ɔt jaas-tɔ à, remen ba kap mɔ ɔn hun-ne yɛ shɛrɛ á. ³ Amba Wan-Koyan wɔ rɔ ko-yan-ess ɔt-ma, wɔa dowɛ rwun-ɔs nɔ ɔr-beeb, wɔ 'er nɔ be-de ɔn ka wan-men-ɔt jaas-tɔ wɔ. ⁴ Ya tɛ rɔ sasa ɔn Wan-Koyan ne, remen nɔ m-dɔrɛ ɔn yo tɛ rurɔ nɔ à, komo nɔ he co m-dɔrɛ ɔn yo tɛ rwɔ'ɔ nɔ à.

⁵ Tɛ ɔs-kɔn ɔnze Wan-Koyan na Yeso wɔa rɔ nɔ sɛngɔtɛ, be-de ɔn was-mɔ Shir, ɔn 'mɔ-mɔ ɔr-hur ne mɔ **Kiristi** rɔ m-'ya à.

Ur-kewɛs taase a she'et she'et-de o-hwaa

⁶ ɔr tɛ ne, tɛ ka'agɛ nɔ ɔn jin-ɔr Wan-Koyan na Yeso **Kiristi**, ru nɔ cɔw-yo ɔn kɔ wɔ ke, wɔ rɔ ɔn she'et-de o-hwaa à, wɔ rɔ ɔn dɔrɔtte-ɔ ɔn ká rii-yo tɛ yoosu nɔ á. ⁷ Ai, nɔ ɔn hi ɔn nɔ, nɔ nepse depetɛ nɔ dɔrɛ sha-m tɛ, remen da-ɔ tɛ ro be ɔn nɔ à, tɛ ya-m-zar-yɛ á, ⁸ komo tɛ rɛ rii-yo m-rɛ m-yar be-de ɔn net á. Amba tɛ swoog ɔr-koob, tɛ m-sɛngɛ m-hɔw, m-tɛt ne, taase tɛ sawsɛ wɔ ken wɔ be-ɔr nɔ ɔs-nɔ. ⁹ Tɛ ɔn nom yo ka, ba remen tɛtt ɔ ɔr-beeb tɛ hobt gwɔ á, tɛ ɔn nom kaanɛ remen tɛ kututú nɔ bu-yo m-dɔrɛ. ¹⁰ Da-ɔ tɛ ro be-ɔr nɔ à, tɛ ro nɔ m-rurɛ ɔn yo ka: “Kap bɔn wɔ yagɛ nom m-sɛngɛ à taase wɔ re á.”

¹¹ Te hogute unze ye ken ye be-ur no ya-m-zar-ye, komo ye ro m-nom un yo ken rii-yo á se o-hebe gwuw. ¹² Un jin-ur Wan-Koyan Yeso **Kiristi** gon ka hun-ne ye, ye jar á. Te ka'agte ye, ye nom m-senge un ess ur-hi ne, remen ye reegtuté hi un de un ye. ¹³ Amba no or re ne, taase no ker un nom un rii-yo ur-bon.

¹⁴ Urege wu ken wu yagute nom o-dorotte un rii-yo te rwo-re n-me un ka takurda-o á, ruru no **yan-dor Yeso** wu. Nom no ja un wu ne m-sok ne, komo no som wu remen wu hoguté m-'e. ¹⁵ Amba no muut wu wa-ut-yage á, amba nak no gon wu ut-to remen or na wu wan-dor.

Gas-de ur-kom

¹⁶ Te un kon-us Wan-Koyan un hi un de un wu, remen wu ye'et no m-gwugwu koyanda komo un ko yo ke bu-yo. Wu ro takan-de un gwugwu-mo un hur-ut na à. Wan-Koyan wu ro un no ne kap.

¹⁷ Un kom-ut re, Burus, um genbe ka gas-de. Un gon ka bu-yo me m-gen un ko o ke takurda-o. Kaane me m-gen.

¹⁸ Yar-m Wan-Koyan na Yeso **Kiristi** ro un no ne kap!

ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

PDF generated using Haiola and XeLaTeX on 21 Feb 2024 from source files dated 29 Jan 2022

4b40cd80-7cb8-5d3d-8563-557f030f99d7